

БААБГАЙ БА ЗҮГЫНҮҮД

(БАШКИР ОНТОХОН)

Үни урда сагта нэгэ баабгай байгаа ха. Тэрэ үнээндэ адли ута наглагар хүүлтэй. Тэрэ баабгай мёдто ехэ дуратай байгаа. Мёдгүй байжа шададаггүй хэн

Зүгын үүр оломсоороо, модон дээрэ гаража, садатараа эдидэг хэн. Зүгынүүд хадхаха гэхэдээ ута ноохон соонь хүрмэлдэшэдэг байба. Тиихэдэнь баабгай модонһоо буужа, газар дээрэ хүльбөөжэ, зүгынүүдые нязалдаг байгаа. Тиигээд дахин модон дээрэ гаража, үлэхэн мёдыень эдидэг хэн

Нэгэтэ тэрэ ой соо хүн ябажа ябатараа, модон дээрэ мёд эдижэ, наглагар хүүлээрээ зүгынүүдые шарбажа хууһан баабгайе хараба

„Ай, маяа хүлтэ! Тэндэшни гаража, шамайе алахаб”, — гэжэ ханаба

Хүн модон дээрэ гаража, хүхөөрөө далайжа далайжа сабшан гэхэдээ, баабгайн наглагар ута хүүлыень узуураарнь таһа сабшаба. Баабгай модонһоо дэбхэржэ буугаад, гэдэргээ харангүй гүйжэ ябашаба. Тэрэ гэнээр мүнөөшье хүрэтэр баабгай хүүлгүй ябадаг юм

Тэрэ хүн зүгын уурхайе заһаад, гэртээ хариба

Зүгынүүд гайхалдажа, эхэ зүгынөөн хураба

— Юундэ энэ хүн мёдыемнай эдеэгүй гээшэб? Эхэ зүгы баһа гайхажа, зүгынүүдтээ хэлэбэ

— Түргэн бэдэржэ, тэрэ хүнһөө юундэ манай мёд эдеэгүйбши гэжэ хурагты

Зүгынүүд хүниие хүсэжэ:

— Мёдыемнай юундэ эдеэгүйбши? — гэжэ асууба.

— Танай мёдые минии баран эдее һаа, таанар, үбэл болоходо, үлдэжэ үхэхэ байгаат, тиигээ һаа бишье мёдгүй үлэхэб, — гэжэ хүн харюусаба

Зүгынүүд гэдэргээ ерэжэ, хүнэй хэлэһые эхэ зүгидөө дамжуулба.

Эхэ зүгы бэшэ зүгынүүдээ суглуулжа, суглаа татаад,
иигэжэ хэлэбэ

— Маниие баабгайнаа хамгаалдаг бай, бидэ шамда
мёд суглуулжа үгэдэг байхабди гэжэ хэлэгты, — гэбэ

Зүгынүүд хүндэ ошожо

— Маниие хорото муухай баабгайнаа хамгаалыш,
тэрээнэйшни түлөө мёд ехээр суглуулжа үгэхэбди, — гэбэ

— Зай, би таанарта гэр барижа үгэхэб. Тэндэ байратай
болохот, тэрээн соо мёдоо суглуулхат

Тэрэ гэнээр зүгынүүд хүнтэй байдаг, амтатай мёд ,
хүндэ суглуулжа үгэдэг болоһон байгаа.